

Náhuatl de la Huasteca

Traductora: Reyna Alvarado Reyes

1. Ximomocuitlahui huan xijmocuitlahui mochampoyohuaj. Xijtoquili tlen ni masehualme tlen tequitij ipan Protección Civil tematiltíaj.

Para campa tiitztoc ax tlahuelonis huan ax tlajquía inmopantis, Xitlatlepanita huan xijpiya cuidado ica tlachque tijnequi tijchihuas ipan motlal. Ximotlajtlani ica tequihuejme intla cuali tijchihuas se tequitl. Xitematilti quema se tlaahuilquetzali tlen itoca poste nacajchiquilijtoc, san queja quema se cuahuitl loncuehui, quema tlapani ojli tlasesencahualli o quema tlapanitepepecholi, nopa mahuilili. Intla ya ní tiquita, nimantzi xijtlalcahui, pampa mahuilili. Xiquilnamiqui quema cuatzontequij huan quema nelhuetzi atl, nopa tlali yamanía huan hueloni. Ni tlamantli pano, yon ax timomacas cuenta. Intla ya ní tiquita, nimantzi xijtlalcahuica. Intla tijnequi tijsencahuas se cali campa ax tlamahuililpa, xiquintlajtlani itlapelehui nopa masehualme tlen tequitij ipan Protección civil. Para tijmatis más, xijtemo ipan www.proteccioncivil.gob.mx huan www.cenapred.gob.mx

“Tijyacana Mexco ma momocuitlahui”

2. Ximomocuitlahui huan xijmocuitlahui mochanpoyohuaj, xijtoquili tlen mitzilhuía Protección Civil:

Intla tiitztoc nechca hueyi atl, ximosentlajtlani quema yohui huan huala, nopa tlen teyolmelahuaj quema monechcahuía se hueyi ajacatl ica atl (SIAT-CT): Xijmati ya ní: (azultic) nelquentzi mahuilili, (xoxohuic) san cuali mahuilili (costic), mahuilili, (chilcostic), tlahuell mahuilili huan (chichilic)

“Tijyacana Mexco ma momocuitlahui”

3. Intla se hueyi ajacatl ica atl monechcahuía ipan mochinanco,
xiquintlajtlani Protección Civil tlachque monequi tijchihuas ica ni macuili tlamantli tlen quinextía ni CIAT-CT xijtemo nopa cali campa huelis inmomanahuise, noque pano ni tlamantli. Nopano ax tleno inmopantis, inmechmacase tlacualistli huan tlen ica inmopique. San xijhuica amatini tlen más ipati. (mo acta quema titlacatqui, nopa amatini tlen quipiya moixcopinca, mo amatlal) xijbolsajtlali huan cuali xijtzacua para ma ax xoloni. Xijmorraltlali para ax mittzacuulis huan huelis titequitis.
Intla tijnequi tijmatis más, xiquintlajtlani nopa tequihuejque ipan Protección Civil ipan mochinanco.
“Tijyacana Mexco ma momocuitlahui”

4.-Ximomocuitlahui huan xijmocuitlahui mochampoyohua, xijtoquili tlen mitzilhuía Protección Civil:

Intla mochinanco huelis quicuitquisas atemitl. Xijtlalcahui!! Amo xinejnemi o xiapano campa tzonpolijtoc ojli. Amo xiquixpano hueyi atlajtli, intla huala chicahuac atl. Intla monequi, ximomanahuiti ipan nopa cali campa momanahuíaj noque pano ni tlamantli.

Amo xiquilcahua xihuica nopa amatini tlen ipajpati, xijbolsajtlali huan cuali xiquilpi.

Amo xijchihua mocha ipan se tlaixtemolis, nechca atentli, campa quisejcotilía atl o campa panoyaya atentli, pampa quema pehua tlaahuetzi, temi sampa.

Intla tijnequi tijmatis más, ximotlajtlani ica nopa tlen quiyacanaj nopa Protección Civil.

“Tijyacana Mexco ma momocuitlahui”

5.-Ximomocuitlahui huan xijmocuitlahui mochampoyohua, xijtoquili tlen mitzilhuía Protección Civil:

Intla molinía tlali, amo ximomajmati, xiya campa ax tlamahuilpa. Intla mocha tlapantoc o tlasencahuali ica tlen ax chicahuac o ica soquitl, huelis huapali, lámina, xiquisa nimantzi, huelis huetzis mopani o ipani mochampoyohuaj.

Xijtlajtlachili mocha. Amo xijtlati cerillos o cera, xijtlachili, ma ax quisa gas.

Xiquintemo nopa tlen quiyacanaj nopa Protección Civil, ma quitlachilica quejatza mocajqui mocha quema molini tlali.

“Tijpalehuíaj Mexco ma momocuitlahui”

6.- Ximomocuitlahui huan xijmocuitlahui mochampoyohua, xijchihua tlen mitzilhuía Protección Civil:

Intla pehua tlatla mocalijtic ipampa titlipitzqui o motlalanqui tlilti, xijsehui ica atl, o xiquixtzacua ica se lámina nopa tlilti. Intla nopa tlilti motlalana, huan onca gas huan poctitla, ximanejnentiya, xijtzacua mocamac huan moyacatzol ica se yoyomitl tlen xolontoc huan huejca xiya.

Nimantzi xiquinnotza tlen quiyacanaj nopa Protección Civil.

“Tijyacana Mexco ma momocuitlahui”

7.- Ximomocuitlahui huan xijmocuitlahui mochampoyohuaj xijtoquili tlen mitzilhuía Protección Civil.

Para ax tlatlas cuatitlamitl, amo xijmajcahua cerillos tlatlatoc, o tlen tijchichina, niyon amo xijmajcahua tepalcatl ipan cuatitlamitl, pampa quema quimina tonati, mototonilía huan tlatla. Intla tiquita pejtoc se tlilti ipan cuatitlamitl, amo ximoilhui tijsehuis, pampa mahuilili. Xiquinmatilti nopa tlen tlayacana ipan Protección Civil.

Xitlajtlani mano ica se amatl, quema tijnequi titlatlatis. Intla titlatlatis, ma mitzpalehuica mochinanco poyohua, para ma quimocuitlahuica quejatza yajtíaj para huelis tematiltise intla motlalana tlilti.

Intla quema titlatlatía huan sejcoyoc yohui tlilti, monequi titlayolmelahuas nepa presidencia, huan ioficina CONAFOR tlen mocahua nechca mochinanco o xitlanojnotza ipan 0180046236346, para ma yaca yajuanti tlen quisenuíaj tlilti.

“Tijyacana Mexco ma momocuitlahui”

8.-Ximomocuitlahui huan xijmocuitlahui mochampoyohuaj, xijtoquili tlen mitzilhuía Protección Civil.

Intla mocha nechca nopa tepetl tlen popoca, xisentlatzintoca quema teyolmelahua: nopa xoxohuic quinequi quiijtos san cuali; costic, xitlachixto(ipan tlen hueli tlalochtli huelis inmoquixtise); nopa chichiltic teyolmelahua (xiya campa timomanahuis hasta panos ni tlamantli, huejca campa ax mitzajsis ni tlitl.

Intla tepehuis icuajnexo nopa tepetl tlen popoca, xijtzacua mocamac huan moyacatzol ica se yoyomitl, pampa nopa cuajnextli hueli mitz ixcocos huan mitztoscocos.

Xijtequihui ixtescatl, amo xjtequihui tlen yohui moixijtic.

Xijtzacua puertas huan ventanas huan amo xiquisaca calteno. Xijtzajtzacua ica yoyontini xolontoc campa calaqui ajacatl.

Intla temo cuajnexatoli tlen huala campa popoca tepetl, xiya campa tlahuejcapanco, huan xijtlalcahui campa nohueli tlatemis.

Amo ximonechcahui campa tepexico intla tlaahuetzi. “Tijpalehuíaj Mexco ma momocuitlahui”

9.-Ximomocuitlahui huan xijmocuitlahui mochampoyohuaj xijtoquili tlen mitzilhuía Protección Civil:

Intla mocha nechca hueyi atl huan mojmolinía chicahuac tlali, huelis mitzajsis quema motlalanas huejcapa nopa hueyi atl, tlen quitocaxtiaj TSUNAMI. Intla tiquita nopa hueyi atl cholohua huan nesi xaltzintla nopa hueyi atl, jnimantzi ximochololti huan xiya campa tlahuejcapanco, campa ax mitzajsis nopa atl intla tlatemis pampa quisas nopa miyac atl tlen huala ipan hueyi atl!

Xisentlatzintocato ica ni Sistema Nacional de Alerta de Tsunamis (SINAT) ica nopa tlen quiyacana nopa Protección Civil.

“Tijpalehuíaj Mexco ma momocuitlahui”

10.-Ximomocuitlahui huan xijmocuitlahui mochampoyohua, xijtoquili tlen mitzilhuía Protección Civil:

Quema ajsi tlasesecayotl (huan onpano tlasehuetzi) monequi xinejnemi ipan calijtic, xiqui tlamantli tlen totonic, xiatli, xijcua cuatlactli huan cuaselcayotl; ximoquenti yoyomitl totonic huan ximopiqui tlaquentini.

Amo xitlipitzá para timototonis, ma tlapojo se quentzi para calaquis ajacatl mocalijtic, pampa ipocy o cuahuitl huan tlcolli popoca tetlanahuía.

Xiquinmocuitlahui coneme, huehuentzitzí huan masehualme tlen tlanahuij, yajuanti más tlaijijihuía ica tlasesecayotl.

Xiquintemo Protección Civil huan yajuanti tlen Sector Salud, ximotlajtlani tlachque tijchihuas quema queja ni pano.

“Tijpalehuíaj Mexco ma momocuitlahui”

11.-ximomocuitlahui huan xijmocuitlahui mochampoyohua xijtoquili tlen mitzilhuis Protección Civil:

Xijmati para cuatitlamitl ica nopa huejhueyi cuapiloli quiajcocui atl quema tlaahuetzi, quichichina atl nopa tlali, teipa tlaxahuaj para hueli tijtequihuíaj. Amo xicuatzonterqui huan amo xijtlati cuatini nepa cuatitla, ¡Xitechpalehui ma ax tlhuaqui! Xijtemo tlen tlayacana ipan Protección Civil para tijmatis tlachque tijchihuas ica ni tlamatli. “Tijpalehuíaj Mexco ma momocuitlahui”

12.-Ximomocuitlahui huan xijmocuitlahui mochampoyohua, xijchihua tlen mitzilhuía Protección Civil:

Ipan mocalijtic xiquita quejatza timomanahuis. Para tijmatis tlachque tijchihuas quema aya pano huan quema panotos, ica mochampoyohua; xiquita tlachque inquichihuase. Xijtlajtlachili quejatza eltoc mocha ica tlen tijsencajqui, xijtlachili intla ax muhililil campa ijcatoc.

Xijquita tlachque quiyohualohua campa timochanti, intla tepexico, nechca hueyi atl, atentini o campa quisejcotilíaj atl.

Quema momachtíaj canica inyase campa ax muhililil, xitemo nopa cali campa hueli inmomanahuitij intla monequis.

Ximonemilijo ica se tlen ica timotlahuis, se te posradio tlen quitequihuía pilas, se te postli tlen ica tijpitzas, se ome pajli tlen ica timopajtis, se ome números para titlacamahuis intla monequis huan moamahuaj tlen ipajpati huan tlen mochampoyohuaj, xijcalaqi ipan se bolsa huan xiquilpi.

Nojquía xiquinhuica mopiyohuaj, mochichihuaj huan motlapiyalhua tlen tijnequi tiquín manahuis, campa huelis itztose hasta panos ni tlama huilili.

“Tijpalehuíaj Mexco ma momocuitlahui”

13.-Ximomocuitlahui huan xijmocuitlahui mochampoyohuaj,xijtoquili tlen mitzilhuis Protección Civil.

Xijtlachili ma ax ijjiyoquisa nopa gas huan campa tlatzquitoc. Intla campa tectoc nopa gas ya quipiya se majtlactli xihuitl o más, xitlanahuati ma quitlajtlachili se tlen quimati.

Xijtlachili campa quitecaj nopa gas ma ax xecuechtito, huan intla quena, amo xijseli. Xijmati para nochí tlamatli te postli campa quitecaj gas, axtleno monequi quitzacuilis huan monequi eltos campa ajacahuilpa.

Intla tiquijnecui mijmiyotiya gas, amo xijtlati tlahuili, amo xijtlati cerillos, yon iyatl o niyon sé tlamatli tlen hueli ica pehua se tlilti, pampa hueli toponis; achi cuali xicajlapo ma calaqui ajacatl, huan nimantzi xiquinnotza ma quisehuiquij nopa tlilti.

Xitlayolmelahua quisa gas o quema onca se hueyi tlilti ipan ni número 066.

Xijtemo tlen quiyacana Protección Civil xitlajtlani tlachque tijchihuas ica ni tlamatli.

“Tijpalehuíaj Mexco ma momocuitlahui”

14.- Ximomocuitlahui huan xijmocuitlahui moteixmatcahua, xijtoquili tlen mitzilhuis Protección Civil:

¿Tijmati para san se ipati se tlacatl huan sihuatl, para tipajca itztose huan timonemilijtose quema huala tlen hueyi cuesoli. Huan nimantzi tijchihuase tlen monequi quema techyolmelahuas Protección Civil?

San que tlacatl huan sihuatl tijpiyaj san se derecho, yeca timitznotzaj xijsecahua ipan mocalijtic tlachque tijchihuas queja tequiti protección civil. Xijtequimaca tlachque quichihuas sej sen tlen itztoc ipan calijtic, amo xiquita intla cuejcuejtzi, intla sihuatl o tlacatl, intla ixtlamati o axtle, ni mochihua, para ma quimachilica para huelis hualas tlen mahuilili quema molinía tlali, quema tlatemi, quema onca hueyi tlitl o tlen hueli tlamantli, ma monemilijtoca.

Sihuame nojquía timocalaquise tijtemose ica tlachque titlapalehuise ipan tochinanco, tijnequi tijmatise quejatza timomanahuise ica nochitochampoyohuaj intla huala se cuesoli, yeca nojquía timocalaquíaj para tijmatise quejatza ma ax techajsi tlen fiero.

Pampa nopa protección civil nojquía inintechpohui sihuame.

“Tijpalehuíaj Mexco ma momocuitlahui”